

PLAN DE ACTUACIÓN 2021

ENTIDADE: FUNDACIÓN GALICIA EUROPA

CIF: G15140023

Nº DE REXISTRO:1988/1

EXERCICIO:2021

DATOS DA ENTIDADE:

Domicilio: C/ HÓRREO 61

Localidade: SANTIAGO DE COMPOSTELA

Código postal: 15701

Provincia: A Coruña

Correo electrónico: SANTIAGO@FUNDACIONGALICIAEUROPA.EU

Teléfono:+34 981 54 10 12

1.- ACTIVIDADES	1
ACTIVIDADE 1 : DEFENSA DOS INTERESES DE GALICIA ANTE A UE	1
A) <i>Identificación</i>	1
B) <i>Recursos humanos empregados na actividade</i>	9
C) <i>Beneficiarios ou usuarios da actividade</i>	9
D) <i>Obxectivos e indicadores de realización da actividade</i>	9
ACTIVIDADE 2 : INFORMACIÓN SOBRE A UNIÓN EUROPEA EN GALICIA	10
A) <i>Identificación</i>	10
B) <i>Recursos humanos empregados na actividade</i>	11
C) <i>Beneficiarios ou usuarios da actividade</i>	11
D) <i>Obxectivos e indicadores de realización da actividade</i>	12
ACTIVIDADE 3 : FOMENTO DA PARTICIPACIÓN EN PROXECTOS EUROPEOS	13
A) <i>Identificación</i>	13
B) <i>Recursos humanos empregados na actividade</i>	14
C) <i>Beneficiarios ou usuarios da actividade</i>	14
D) <i>Obxectivos e indicadores de realización da actividade</i>	14
ACTIVIDADE 4: FORMACIÓN E SENSIBILIZACIÓN SOBRE A REALIDADE EUROPEA	15
A) <i>Identificación</i>	15
B) <i>Recursos humanos empregados na actividade.</i>	16
C) <i>Beneficiarios ou usuarios da actividade.</i>	16
D) <i>Obxectivos e indicadores de realización da actividade.</i>	16
2.- PREVISIÓN DE RECURSOS ECONÓMICOS QUE EMPREGARÁ A ENTIDADE.....	17
3.-PREVISIÓN DE RECURSOS ECONÓMICOS QUE OBTERÁ A ENTIDADE	18
3.1) <i>Previsión de ingresos que obterá a entidade</i>	18
3.2) <i>Previsión doutros recursos económicos que obterá a entidade</i>	18

1.- ACTIVIDADES

ACTIVIDADE 1 : Defensa dos intereses de Galicia ante a UE

A)Identificación

Denominación da actividade	Defensa dos intereses de Galicia ante a UE
Tipo de actividade*	Accións para garantir a representación de Galicia ante a UE Actividade propia
Identificación da actividade por sectores **	Z01
Lugar de desenvolvemento da actividade	Bruxelas/Santiago

Descrición detallada da actividade prevista

A defensa dos intereses galegos ante as institucións europeas necesita dunha sólida representación na capital comunitaria a través da cal se traballe para que a toma de decisións a nivel comunitario se leve a cabo cun maior coñecemento da nosa realidade e dos nosos intereses. Tal e como recolle o Decreto de Acción Exterior da Xunta de Galicia, aprobado en 2015, este labor de representación é desempeñado pola Fundación Galicia Europa, mediante o desenvolvemento de diversas actividades:

- Seguimento e análise das políticas europeas
- Apoio á participación da C.A. galega nas institucións e órganos comunitarios
- Organización de visitas de responsables políticos e técnicos a Bruxelas
- Organización de seminarios
- Participación en redes de cooperación interrexional
- Ocasionalmente, accións de promoción de Galicia en Bruxelas desde un punto de vista cultural, turístico ou comercial

2021 será o primeiro ano do novo período financeiro 21-27 da UE,

para o que aínda non hai acordo (a data do 3 de decembro), e o segundo ano da Comisión Europea baixo o liderado de Ursula Von der Leyen e as súas seis prioridades políticas:

1. Un Pacto Verde Europeo
2. Unha economía que funcione en prol das persoas
3. Unha Europa adaptada á era dixital
4. Protección do noso estilo de vida europeo
5. Unha Europa máis forte no mundo
6. Un novo impulso á democracia europea

Será, ademais, o ano en que se produza a saída económica de Reino Unido da UE, e se empecen a sentir as repercusións deste cambio de paradigma nas relacións comerciais da UE.

Neste contexto, a Fundación Galicia Europa centrará o seu labor de defensa dos intereses galegos nas seguintes áreas:

1. Plan de Recuperación para Europa

A FGE estará atenta á posta en marcha do Plan de Recuperación para Europa acordado en xullo de 2020 polos líderes europeos e composto polo Marco Financeiro Plurianual 21-27 e o instrumento temporal de recuperación NextGenerationEU; en total, 1,8 billóns de euros.

Concretamente, seguirá as negociacións entre a Comisión Europea e o Goberno de España relativas ao Plan de Recuperación, Transformación e Resiliencia, ao Acordo de Asociación para a política de cohesión e ao Plan Estratéxico para a PAC.

Neste contexto e na súa faceta de representante da Xunta de Galicia ante a UE, a FGE continuará concertando reunións entre altos cargos da Xunta e representantes comunitarios para que o executivo comunitario sexa sensible ás necesidades galegas, e organizando sesións dentro do seu ciclo de conferencias virtuais “Galicia na recuperación económica da UE” co fin de explicar á Xunta de Galicia as políticas comunitarias que guiarán a execución dos fondos.

2. BREXIT

En 2021 a FGE defenderá os intereses de Galicia na posta en marcha da Reserva de Axuste ao Brexit, un novo fondo que tratará de compensar as consecuencias imprevistas e adversas nos Estados membros e sectores máis afectados pola saída de Reino Unido da Unión Aduaneira e o Mercado Único a partir do 1 de xaneiro.

No caso de que non se conclúise un acordo comercial antes de final de ano, a FGE faría un seguimento da continuación das negociacións entre a UE e Reino Unido, así como das medidas de continxencia que se impulsen desde a UE para tratar de mitigar os prexuízos.

En caso de acordo, a FGE analizará as repercusións para o sector pesqueiro, un dos escollos que obstaculiza a día de hoxe as negociacións.

En todo caso, en 2021 a FGE continuará co traballo realizado durante os catro anos anteriores relativo á coordinación do grupo de traballo sobre Brexit da Comisión do Arco Atlántico da CRPM. Co obxectivo de defender os intereses das rexións atlánticas ante esta nova situación, organizará reunións con diferentes actores deste proceso e promoverá a adopción de declaracións políticas conxuntas, como a emitida en decembro de 2020 sobre a Reserva de Axuste ao Brexit.

A FGE continuará informando sobre as repercusións do Brexit na súa web brexitgalicia.eu, que acolle o Foro Galego do Brexit.

3. Transición ecolóxica

A FGE seguirá traballando coa Xunta de Galicia para participar activamente nas iniciativas europeas que xurdan do Pacto Verde Europeo, como o futuro Pacto Europeo sobre o Clima. Como unha das primeiras rexións europeas que xa contan cunha estratexia para alcanzar a neutralidade climática en 2050, a FGE tratará de que Galicia contribúa ao debate

europeo coa súa experiencia en produción e consumo de enerxías renovables, en promoción da economía circular ou na implicación dos entes locais na loita contra o cambio climático no marco do Pacto de Alcaldes.

Doutra banda, seguirá promovendo a participación galega na Plataforma Europea para a transición das Rexións Carboníferas coa que a UE acompaña ás rexións que sofren o impacto económico e social da transición cara a enerxías máis limpas. Un dos principais logros desta plataforma é o futuro Fondo de Transición Xusta para axudar ás rexións e cidadáns máis afectados. A FGE velará por que este fondo poida contribuír ao desenvolvemento das comarcas afectadas polo peche das centrais térmicas en Galicia.

4. I+D+i

A FGE seguirá colaborando coa Axencia Galega de Innovación (GAIN) co obxectivo de facer un mellor seguimento das distintas iniciativas nesta materia a nivel europeo. O apoio reforzado á innovación no próximo período, coa creación do Consello Europeo de Innovación, ou a posta en marcha das chamadas “misións” de I+D+i en desafíos concretos e ambiciosos, como a loita contra o cancro ou a redución de plásticos no mar, son dous dos temas que esixirán un seguimento máis estreito.

A FGE prestará, ademais, o apoio que GAIN requira no marco da reformulación da Estratexia de Especialización Intelixente en I+D+i (RIS 3).

5. Políticas comúns agrícola e pesqueira

A FGE seguirá atenta ás negociacións entre Parlamento e Consello para acordar a redacción final dos regulamentos que rexerán os pagos directos e as axudas ao desenvolvemento rural para os anos 21 a 27.

En materia de pesca, farase un especial seguimento das últimas negociacións sobre o futuro Fondo Europeo Marítimo e Pesqueiro.

As consellerías de Medio Rural e do Mar dispoñen de senllos asesores técnicos desprazados na oficina da FGE en Bruxelas para o seguimento das políticas comúns agrícola e pesqueira.

6. Outras prioridades políticas da Comisión Europea 2020-2025

A FGE dará seguimento ao programa de traballo da Comisión para 2021 co que a UE quere liderar a dobre transición ecolóxica e dixital, a cal representa unha oportunidade sen precedentes para saír da fragilidade da crise e xerar nova vitalidade para a Unión:

- I. **Un Pacto Verde Europeo:** a Comisión presentará un paquete de medidas «obxectivo 55» a fin de reducir un 55 % as emisións, como mínimo, de aquí a 2030. Algunhas xa se avanzaron en 2020, como a Estratexia de Enerxías Mariñas Renovables, o plan de acción sobre a economía circular ou as estratexias de biodiversidade e «da granxa á mesa».
- II. **Unha Europa adaptada á era dixital:** para facer realidade que esta sexa a “década dixital de Europa”, a Comisión presentará unha folla de ruta con obxectivos dixitais para 2030 claramente definidos, relacionados coa conectividade, as capacidades e os servizos públicos dixitais. A Comisión legislará en ámbitos como a seguridade, a responsabilidade, os dereitos fundamentais e os aspectos relativos aos datos da intelixencia artificial. Tamén se actualizará a estratexia industrial de Europa, publicada no principio do ano, a fin de ter en conta as repercusións do coronavirus.
- III. **Unha economía ao servizo das persoas:** a Comisión presentará un ambicioso plan de acción para aplicar plenamente o alicerce europeo de dereitos sociais, de modo que ninguén quede atrás na recuperación de Europa. Tamén presentará unha nova garantía infantil europea que garanta o acceso de todos os nenos a servizos básicos como a sanidade e a educación.

- IV. **Unha Europa máis forte no mundo:** Europa quere liderar a resposta mundial para conseguir unha vacina segura e accesible para todos, propoñer unha Comunicación na que reitera o seu compromiso cun multilateralismo baseado en normas e explorar novas formas de abordar a axuda humanitaria.
- V. **Promoción do noso modo de vida europeo:** fronte á COVID-19, acábase de propoñer a creación dunha “Unión Europea da Saúde” que outorgue máis ferramentas á UE para facer fronte ás crises sanitarias actual e futuras. Neste apartado, inclúese tamén o novo Pacto sobre Migración e Asilo xa presentado, que se complementará con novos elementos, como un plan de acción contra o tráfico ilícito de migrantes e unha estratexia duradeira de retorno voluntario e reintegración. O reforzo da chamada “Unión da Seguridade” para facer fronte ao terrorismo e a delincuencia organizada completan este apartado.
- VI. **Un novo impulso á democracia europea:** a Comisión presentará novas estratexias sobre os dereitos do neno e das persoas con discapacidade, así como unha proposta para loitar contra a violencia de xénero. Unha visión a longo prazo para as zonas rurais propoñerá medidas para aproveitar todo o potencial destas rexións.

Doutra banda, a FGE contribuirá en 2021 á **promoción do Ano Xacobeo**, como gran celebración cultural e turística en Galicia, que ha de servir para reforzar os vínculos con Europa, nun contexto no que se necesitan referencias que reforcen o sentimento de pertenza común. Con este obxectivo, a FGE:

- Colaborará na organización dun acto de presentación do Plan Estratéxico do Xacobeo ante as autoridades comunitarias e belgas.
- Continuará coa preparación dun seminario e unha reunión externos do Comité Europeo das Rexións en Santiago de Compostela no mes de maio, nos que se abordará o fenómeno do Camiño de Santiago como modelo de turismo

sostible. Xa previstos en 2020, estes actos tiveron que ser anulados por mor da pandemia.

Respecto ás canles que empregamos para defender os intereses autonómicos no proceso comunitario de decisións, destacamos en 2021:

A. Comité das Rexións

O labor da FGE para asegurar unha participación activa no Comité Europeo das Rexións (CdR) continuará durante o próximo ano. O CdR está a ter un papel moi activo na reivindicación do rol dos entes locais e rexionais durante a pandemia e na acollida de migrantes, así como en chamar a atención sobre os retos demográficos aos que se enfrontan certas rexións europeas.

B. Visitas institucionais

A FGE seguirá deseñando axendas e asesorando aos membros do Goberno galego e outros altos cargos da Xunta nas súas visitas a Bruxelas. No último ano estas visitas volvéronse virtuais, o que facilitou a organización e o contacto. Con todo, cando as circunstancias o permitan, a FGE retomará en certa medida a axenda de visitas físicas para combinalas coas virtuais e sacar proveito de ambos os formatos.

C. Redes de cooperación rexional europea

O seguimento e apoio á participación galega en redes de cooperación rexional europea é un dos instrumentos de traballo utilizados pola FGE á hora de axuntar sinerxias con outros territorios da Unión en defensa de intereses comúns. Galicia participa en varias redes de cooperación tanto de dimensión territorial, como a Conferencia de Rexións Periféricas e Marítimas (CRPM) e a Asociación de Rexións Fronteirizas de Europa (ARFE), como de dimensión sectorial, no campo da I+D+i (ERRIN), o turismo (NECSTOUR) ou a innovación industrial (Vanguard Initiative).

A FGE presta apoio aos distintos departamentos da Xunta de Galicia para sacar o máximo proveito a estas redes, tanto na defensa duns intereses comúns ante a UE, como para a posta en marcha de proxectos europeos por mor dos contactos feitos nelas.

No caso da CRPM, continuarase traballando especialmente na revisión da Rede Transeuropea de Transporte, na revisión da Estratexia marítima Atlántica Europea - apostando pola súa conversión nunha verdadeira estratexia macrorrexional - e no fomento das enerxías mariñas renovables.

D. Presenza de Galicia en Bruxelas

A Fundación presta apoio a aquelas entidades galegas públicas ou privadas que queren achegarse a Bruxelas para participar de modo efectivo no proceso de decisión comunitaria e nos programas europeos. Con este obxectivo pon á súa disposición o coñecemento da Fundación Galicia Europa sobre o funcionamento das institucións comunitarias e o seu proceso decisorio, e facilítalles, no seu caso, un espazo común de traballo.

A oficina da FGE en Bruxelas quere ser un escaparate único de Galicia na capital europea e axuntar os esforzos dos diferentes sectores en beneficio do desenvolvemento de Galicia. É o caso actualmente de CONXEMAR e FEUGA, que alugan o seu espazo de oficina na propia sede da Fundación en Bruxelas.

O importe desta actividade asignado para 2021 distribuirase principalmente entre gastos de organización e participación en reunións e conferencias en Bruxelas, ademais da organización de visitas institucionais a Bruxelas.

B) Recursos humanos empregados na actividade

Tipo	Número	Nº horas / ano
	Previsto	Previsto
Persoal asalariado	5	3.218
Bolseiros en prácticas	6	4.382
Persoal con contrato de servizos		
Persoal voluntario		

C) Beneficiarios ou usuarios da actividade

Tipo	Número
	Previsto
Persoas físicas -directas	700
Persoas físicas - indirectas	3.000
Persoas xurídicas	45
Proxectos sen cuantificar beneficiarios	

D) Obxectivos e indicadores de realización da actividade

Obxectivo	Indicador	Cuantificación
DEFENSA DOS INTERESES DE GALICIA ANTE A UE	Reunións do Comité das Rexións, reunións na Comisión Europea, reunións do Consello con participación galega, visitas institucionais, foros organizados pola Fundación, actividades culturais de Galicia en Bruxelas, reunións e foros con participación galega	350

ACTIVIDADE 2 : Información sobre a Unión Europea en Galicia

A)Identificación

Denominación da actividade	Información sobre a UE en Galicia
Tipo de actividade*	Información. Actividade propia
Identificación da actividade por sectores **	Z01
Lugar de desenvolvemento da actividade	Santiago / Bruxelas

Descrición detallada da actividade prevista.

A información é un dos eixos centrais do labor desenvolvido pola Fundación Galicia Europa, pois constitúe un requisito indispensable para poder defender os intereses galegos e para facilitar a participación das entidades galegas en programas de financiamento comunitario.

A información especializada canalízase a través de contactos directos cos diferentes departamentos da Xunta de Galicia para levar a cabo unha adecuada defensa dos intereses galegos.

Para o gran público, a información difúndese a través do **portal web** www.fundaciongaliciaeuropa.eu e dos seus perfís nas redes sociais Facebook, Twitter e LinkedIn, podendo chegar así a segmentos de público especializados como entes locais, ONG, ou empresas. En 2021 poñerase en marcha un novo portal web, en liña coa estratexia dixital da FGE emprendida por mor da pandemia. Co novo portal, pretendemos dar máis visibilidade ao traballo de análise das políticas europeas e á participación galega nos asuntos comunitarios.

EuroXuventude seguirá tendo un apartado propio na web, a raíz do convenio renovado anualmente coa Consellería de Política Social, no que se contempla o compromiso de difundir noticias europeas

relacionadas con formación, voluntariado ou participación xuvenil, así como nosa “Guía de saídas laborais na UE e outras organizacións internacionais”.

Continuaremos coa elaboración dun boletín dixital no que se difundan as novidades da web e seguiremos colaborando mensualmente con ECO - Revista do Eixo Atlántico para explicar a actualidade comunitaria en Galicia.

Respecto á web do Foro Galego do Brexit, manterémola un ano máis para poder informar das consecuencias da saída económica de Reino Unido da UE.

En total, a FGE conta con tres sitios web e catro perfís en redes sociais.

A contía asignada a este obxectivo destinarase ao mantemento das páxinas web e ás tarefas de información europea para mozos.

B) Recursos humanos empregados na actividade

Tipo	Número	Nº horas / ano
	Previsto	Previsto
Persoal asalariado	3	585
Bolseiros en prácticas	6	2.191
Persoal oficina información europea novas	1	488
Persoal con contrato de servizos		
Persoal voluntario		

C) Beneficiarios ou usuarios da actividade

Tipo	Número
	Previsto
Persoas físicas - directas	6.000
Persoas físicas - indirectas	25.000
Persoas xurídicas	
Proxectos sen cuantificar beneficiarios	

D) Obxectivos e indicadores de realización da actividade

Obxectivo	Indicador	Cuantificación
INFORMACIÓN SOBRE A UE EN GALICIA	Portal web, boletín, colaboracións con revistas, oficina de información xuvenil	350

ACTIVIDADE 3 : Fomento da participación en proxectos europeos

A)Identificación

Denominación da actividade	Fomento da participación en proxectos europeos
Tipo de actividade*	Promoción da participación das entidades galegas en proxectos europeos. Actividade propia
Identificación da actividade por sectores **	Z01
Lugar de desenvolvemento da actividade	Santiago/Bruxelas

Descrición detallada da actividade prevista

A FGE márcase como obxectivo en 2021 explicar en Galicia o novo Marco Financeiro Plurianual e o instrumento temporal de recuperación NextGenerationEU. Para isto, previu actuar en tres frentes:

- Continuar co **ciclo de encontros virtuais “Galicia na recuperación económica da UE”**, dos que celebrou 10 no outono de 2020 co obxectivo de explicar as políticas europeas que guían a execución dos fondos comunitarios.
- Publicar unha **guía de financiamento comunitario 21-27**, similar á que publicamos para o actual período, e destinada, principalmente, a entidades públicas e privadas galegas que aspiran a conseguir financiamento comunitario para os seus proxectos.
- **Organizar varias edicións dixitais de TecEuropa**: dúas dirixidas a un público xeral e tres dirixidas a un público máis específico: concellos, empresas e ONGD.

O **programa de especialización en financiamento comunitario TecEuropa** trata de mellorar as capacidades de profesionais de

entidades galegas públicas e privadas para participar en proxectos de dimensión europea. Mellorar as súas capacidades e coñecementos, e facilitar os contactos entre eles permitirá deseñar mellores proxectos, aproveitar as experiencias duns e outros en beneficio de todos e, en suma, conseguir un maior impacto dos fondos europeos na nosa comunidade. Xa organizamos 10 edicións do mesmo, a última nun formato completamente virtual.

B) Recursos humanos empregados na actividade

Tipo	Número	Nº horas / ano
	Previsto	Previsto
Persoal asalariado	3	1.365
Bolseiros en prácticas	6	2.191
Persoal oficina información europea novas	1	975
Persoal voluntario		

C) Beneficiarios ou usuarios da actividade

Tipo	Número
	Previsto
Persoas físicas	200
Persoas xurídicas	40
Proxectos sen cuantificar beneficiarios	

D) Obxectivos e indicadores de realización da actividade

Obxectivo	Indicador	Cuantificación
PROMOCIÓN DA PARTICIPACIÓN GALEGA EN PROXECTOS EUROPEOS	Asesoramento nas posibilidades de financiamento, asesoramento nas procuras de socios, cesión de salas, cursos de financiamento comunitario, apoio na xestión de proxectos	50

ACTIVIDADE 4: Formación e sensibilización sobre a realidade europea

A)Identificación

Denominación da actividade	Formación e sensibilización sobre a realidade europea
Tipo de actividade*	Formación. Actividade propia
Identificación da actividade por sectores **	Z01
Lugar de desenvolvemento da actividade	Santiago/Bruxelas

Descrición detallada da actividade prevista.

A maior parte dos recursos asignados a este obxectivo destinaranse a financiar **cinco bolsas de formación** para mozos galegos nas oficinas da FGE de Santiago e Bruxelas, ademais da bolsa convocada en colaboración con GAIN. De forma paralela, a oficina da FGE en Santiago acolle a estudantes en prácticas das universidades galegas ao longo do ano, que tamén se benefician desta formación en asuntos comunitarios.

No marco de #Euroxuventude, a FGE seguirá participando e colaborando en diversos foros relacionados coas **posibilidades de emprego e prácticas na UE**.

En colaboración coa rede galega de información xuvenil, organizará **charlas para implicar aos mozos galegos na Conferencia sobre o futuro de Europa e o Pacto Europeo para o Clima**, ademais doutros temas de índole europea que poidan ser do seu interese.

B) Recursos humanos empregados na actividade.

Tipo	Número	Nº horas / ano
	Previsto	Previsto
Persoal asalariado	5	2.633
Bolseiros en prácticas	6	2.191
Persoal oficina información europea novas	1	488
Persoal voluntario		

C) Beneficiarios ou usuarios da actividade.

Tipo	Número
	Previsto
Persoas físicas – directas	600
Persoas físicas - indirectas	
Persoas xurídicas	40
Proxectos sen cuantificar beneficiarios	

D) Obxectivos e indicadores de realización da actividade.

Obxectivo	Indicador	Cuantificación
FORMACIÓN E SENSIBILIZACIÓN SOBRE EUROPA EN GALICIA	Bolsas, cursos, seminarios e xornadas	30

2.- PREVISIÓN DE RECURSOS ECONÓMICOS QUE EMPREGARÁ A ENTIDADE

GASTOS/INVESTIMENTOS	DEFENSA INTERESES GALICIA EN BRUXELAS	INFO SOBRE A UE EN GALICIA	PROMOCIÓN DA PARTICIPACIÓN EN PROXECTOS EUROPEOS	FORMACIÓN E SENSIBILIZACIÓN SOBRE EUROPA EN GALICIA	TOTAL ACTIVIDADES	Non imputados a actividades	TOTAL
Gastos por axudas e outros	-	-	-	-	-	-	-
a) Axudas monetarias	-	-	-	101.260,00	101.260,00	-	101.260,00
b) Axudas non monetarias	-	-	-	-	-	-	-
c) Gastos por colaboracións e órganos de goberno.	-	-	-	500,00	500,00	-	500,00
Variacións de Existencias de produtos terminados e en curso de fabricación	-	-	-	-	-	-	-
Aprovisionamentos	-	-	-	-	-	-	-
Gastos de persoal	131.407,80	17.275,04	23.627,53	97.286,95	269.597,31	128.780,06	398.377,37
Outros gastos de Explotación	66.216,55	23.478,24	46.623,94	45.111,67	181.430,40	77.620,23	259.050,63
Amortización do inmovilizado	30.629,40	2.552,45	2.552,45	2.552,45	38.286,75	12.762,25	51.049,00
Deterioración e resultado por alleamento de inmovilizado	-	-	-	-	-	-	-
Gastos financeiros	-	-	-	-	-	-	-
Variacións de valor razoable en instrumentos financeiros	-	-	-	-	-	-	-
Deterioración e resultado por alleamento de instrumentos financeiros	-	-	-	-	-	-	-
Impostos sobre beneficios	-	-	-	-	-	-	-
Subtotal	228.253,75	43.305,73	72.803,91	246.711,06	591.074,46	219.162,54	810.237,00
Investimentos 'excepto bens patrimonio histórico)	-	-	-	-	-	4.000,00	4.000,00
Adquisicións bens patrimonio histórico	-	-	-	-	-	-	-
Cancelación débeda non comercial	-	-	-	-	-	-	-
Diminución de subvencións	-	-	-	-	-	-	-
Diminución de débedas	-	-	-	-	-	-	-
Aumento de debedores comerciais e outras contas para cobrar	-	-	-	-	-	-	-
Aumento de periodificacións a curto prazo	-	-	-	-	-	-	-
Aumento de tesourería	-	-	-	-	-	-	-
Subtotal	-	-	-	-	-	4.000,00	4.000,00
TOTAL	228.253,75	43.305,73	72.803,91	246.711,06	591.074,46	223.162,54	814.237,00

3.-PREVISIÓN DE RECURSOS ECONÓMICOS QUE OBTERÁ A ENTIDADE

3.1) Previsión de ingresos que obterá a entidade

INGRESOS	Importe total
Rendas e outros ingresos derivados do patrimonio	
Vendas e prestacións de servizos das actividades propias	47.500,00
Consellería de Política Social	42.500,00
Consellería do Medio Rural	5.000,00
Ingresos comúns das actividades mercantís	5.160,00
Aluguer oficina	5.160,00
Subvencións do sector público	721.377,00
Xunta de Galicia	640.417,00
Axencia Galega de Innovación	32.960,00
Consortio Zona Franca de Vigo	18.000,00
Deputación da Coruña	15.000,00
Deputación de Lugo	15.000,00
Achegas privadas	40.000,00
ABANCA	40.000,00
Outros tipos de ingresos	200,00
TOTAL INGRESOS PREVISTOS	814.237,00

3.2) Previsión doutros recursos económicos que obterá a entidade

OUTROS RECURSOS	Importe total
Débedas contraídas	-
Outros deberes financeiros asumidos	-
TOTAL OUTROS RECURSOS PREVISTOS	-